



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 85. A Pontifice coronatus

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

Sæcul. XV.
A. C. 1452.

*Æn. Sylv.
comm. l. 1.
Cochl. Hist.
Hussit. l. 11.*

dibus Nicolai Papæ, cujus obsequio se, re-
gnaque sua obtulit, ejusque præsidio
commendavit. Juvenis hujus Regis o-
rationem de verbo ad verbum Hussitarum
Historiæ Cochlæus inseruit.

§. LXXXV.

Fridericus a Papa coronatus.

Coronationis solemnia, (si Platinæ cal-
culo fidimus) celebrata sunt die quin-
ta decima Martii. Hæc antequam fie-
rent, Fridericus Papam rogabat, ut præ-
primis de plenitudine potestatis, ac au-
ctoritatis suæ ipsi coronam impertire-
tur Regni Longobardorum; præstitit id
quidem Papa apud summum altare Ba-
silicæ S. Petri, nihilominus, cum moris
semper esset, hanc coronam accipere Me-
diolani, jura, & consuetudines Regni
Longobardiæ & Archiepiscopi Mediola-
nensis confirmavit. Eodem tempore E-
leonora Regina per Oratores Cæsareos
jam antea Friderico desponsata, inter
Missarum solemnia de novo publice ei-
dem devincta fuit. His celebratis die
decima nona Martii, quam fuisse proxi-
mam Dominicam probat Nicolai Papæ
constitutio ea die signata, idem Frideri-
cus Imperator homagium de more Pon-
tifici præstitit, ac alba indutus in Cano-
nicum sancti Petri receptus, unctus, &
solemni

solemni ritu coronatus est in Imperato- Sæcul. XV.
A.C. 1452.
rem Romanorum, necnon insignitus pal-
lio, ense, sceptro, pomo, & corona Caroli
magni, quæ ex Norimbergensi civitate
hunc in finem delata fuerant. Imperatrix
quoque post Cæsarem ex manibus Pon-
tificis suscepit coronam, quæ olim a Mar-
tino V. Sigismundi conjugii imposita
fuerat. His peractis Fridericus Pon-
tifici a Vaticana ad Sanctæ Mariæ Ec-
clesiam, quam Transpontinam vocant, e-
quitanti stratoris officium exhibuit, inde-
que Papa ad Palatium redeunte, Impe-
rator Albertum fratrem suum, pluresque
Duces ac Comites ad Equestris ordinis
honores promovit. Demum Nicolaus
ad Lateranum se conferens, splendido ibi-
dem convivio Imperatorem excepit.

§. LXXXVI.

*Imperator Neapolim petit Alphonsum
invisurus.*

Altera post coronationem die Impera- Nauclet. ge-
ner. 49. p. 474
color. 2.
tor unacum Coniuge sua Neapolim
petiit, Alphonsum Regem Imperatricis
avunculum salutaturus, ubi etiam præter
hebdomadam sanctam toto Paschate di-
versatus est. Rex Neapolitanus, ut
honoris sibi exhibito vices redderet, nul-
lum erga Cæsarem liberalitatis officium
prætermisit, eundemque magnificentia
vere